



ERicus filius fuit Vuartislai ducis Pomeraniæ. Is à teneris annis uirtuti operam dedit, & future indolis plurima documenta exhibuit. Itaq; Margaretha regina Daniæ Vualdemari regis filia post mariti sui Aquini regis Noruegiæ obitum hunc Ericum adoptauit, atq; effecit ut is rex Daniæ, Suetiæ, & Nortuegiæ eligeret. Ea regna per 30 annos magna prudentia administrauit, atq; uarios motus & seditiones compescuit. Cum aut̃ Henricus Slesuicensis princeps ei repugnaret, coram Sigismūdo Imperatore anno 1424 in Vngaria comparuit, atq; suam causam proponens in iudicio uictor euasit. Postea pietatis gratia Hierosolymā profectus est.

Accidit autem ut nobilis quidam in Cæsaris aula hunc Ericum ipso inscio in tabella depingeret, atq; eius uiuam imaginem amico trāsmarino mitteret, cū ea adhortatione: Hanc imaginem esse Erici trium regnorum Monarchæ, qui breui religionis gratia Hierosolymam uenturus esset. Cum Venetias rex uenisset, suam familiam dimisit, atq; paucis comitatus, ne dignosceretur, in Syriam nauigauit.